

*"Niun violacion di autonomia"*

## Plasterk: "KB ta completamente legal"

ORANJESTAD/ DEN HAAG — E aanwijzing cu Consejo di Minister di Reino a duna gobernador di Aruba pa no firma presupuesto 2014 te ora CFT aprobe ta uno legalmente hustifica. No tin niun violacion di autonomia pasobra gobernador a actua claramente den su calidad di organo di Reino, di Pais Aruba. Esaki minister Hulandes di Relacionnan den Reino Ronald Plasterk a duna di conoce ayera den su contestacion por escrito riba preguntanan di miembro di Tweede Kamer André Bosman.

Bosman recientemente a manda pregunta na minister Plasterk, puntrando si e tambe ta haya cu opinionnan expresa di presidente di Raad van Advies di Aruba y Mito Croes, awo miembro di Raad van State, riba e KB tabata for di sla. Den su contesta, Plasterk a para keto ampliamente riba rol di gobernador. Den terminologia hopi cla e ta splica cu gobernador ta ambos organo di Pais y di Reino. "Su rol como organo di Reino ta describi den Statuut y den Reglement di Gobernador. Su tareanan mas importante como representante di Gobierno di Reino ta pa tene bista riba cumplimiento di ley majusculo y interes di Reino. Na momento cu gobernador haya cu un ley ta bay empugna contra Statuut, un tratado internacional, un Rijkswet, un Algemeen Maatregel van Rijksbestuur, of contra interesnan pa cual cumplimiento of garantia ta cay bou responsabilidad di Reino, anto e ora ey e no ta hancra e ley ey cu su firma (articulo 21 di Reglement di Gobernador). Gobernador semper ta evalua cada ley y landsbesluit si esaki no ta bay en contra di 'hoger recht' of interes di Reino. Esey semper tabata asina, pues gobernador no a tuma un bevoegdheid nobo diripiente den caso aki," asina Plasterk ta splica.

Sirbiendo interes di Reino, gobernador mester obedece indicacionnan di gobierno di Reino, asina Plasterk ta splica. Gobernador mester ehecuta un aanwijzing segun articulo 15 di su Reglamentacion cu ta indica cu e tin cu haci esaki pasobra e ta responsabel na gobierno di Re-



ino. Den caso di presupuesto 2014 ta asina cu gobernador tin cu dicidi y basa su decision riba firma presupuesto of ehecuta articulo 21 y manda e presupuesto Hulanda pa probablemente un anulacion riba proceso di investigacion y evaluacion di Cft y respuestanan di gobierno. E no por tuma niun otro paso prome cu esaki tuma luga. Sin investigacion no tin decision di gobernador pa loke ta implementacion di articulo 21, asina Plasterk ta enfatisa. Como organo di Reino, gobernador ta raporta na gobierno di Reino riba si investigacion ta indica cu tin cos cu no ta bayendo bon.

### 'Niun violacion di autonomia'

Plasterk ta conclui cu e KB a wordo implementa den cuadro di e 'waarborgfunctie' di Reino, locual den caso aki tambe ta cuadra cu e mesun articulo 21 di Reglemento di Gobernador, segun Plasterk. Ambos ta referi na Gobernador den su rol di organo di Reino, no di Pais Aruba. "Pues no ta cuestion akinan di violacion di autonomia", asina Plasterk ta argumenta.

### Expresionnan contra

André Bosman den su preguntanan na minister Plasterk ta referi na expresionnan haci dor di presidente di Raad van Advies di Aruba, Frits Goedgedrag, tres miembro di departamento di conseho di Raad van State y Mito Croes cu awo ta representa Aruba den Raad van State. Tur tres ta indica abiertamente cu nan no ta di acuerdo cu e KB,



algo cu Bosman a haya particularmente for di sla. Mito a bisa locual el a bisa prome cu el a wordo instala como miembro di Raad van State, asina Plasterk ta splica.

Pa loke ta e expresion di Goedgedrag - cu a bay hunto e cu e conseho duna na e presupuesto supletorio den cual ta bisa cu e KB no ta legal y cu gobernador mester firma e presupuesto -, Plasterk ta haya cu e no ta trata akinan di un opinion personal unda por punta dede riba Goedgedrag mes. Pa loke ta miembronan di e departamento di conseho di Raad van State di Reino, Plasterk ta haya cu nan tin e responsabilidad di ta mas prudente cu nan opinionnan. Tambe nan mester tuma cuenta di e posicion di Raad van State den Re-

Lider di fraccion di AVP, Rene Herdén no a lese ainda pero ta haya si cu un biaha mas e ta muestra importancia di introduccion lo mas lihe posibel di un organo independiente pa resolve disputanan constitucional Evelyn Wever-Croes ta conta Bon Dia Aruba cu e ta spera awo cu Plasterk a duna su splicacion, e disputa riba si KB tabata legal of no por termina porfin, pa asina atencion por bay bek na e crisis financiero cu Aruba ta aden.

AVP lo a tuma djis un pagina di e conseho di Raad van Advies pa hustifica e welga di hamber di prome minister Mike Eman. E resto nan lo no a ni lesa, segun Wever-Croes, ya cu e resto di e documento ta mesun negativo of te hasta mas negativo ainda

ino, segun minister Plasterk. Miembronan aki por y lo bay wordo atendi riba esaki, asina e mandatario a duna di conoce. E no kier reaccion riba declaracionnan individual den prensa saliendo for di miembro di un Raad. Raad van State ta juist traha asina cu loke nan ta duna como conseho ta producto di consenso, pues sin algun opinion personal di niun di nan miembronan. Esaki tambe ta percura cu aunke posicionnan di a lo menos u miembro di Raad van State ta conoci, esaki lo no tin niun efecto riba cualkier conseho di Raad van State.

**Oposicion ta di acuerdo**  
Mientras tanto akinan na Aruba, e fraccionnan den oposicion tambe a lesa e contestanan di minister Plasterk.

cu e prome conseho cu Raad van Advies a duna. MEP ta condena e actitud di confrontacion di prome minister Eman cu lo por conduci na un di dos KB.

Andin Bikker di PDR ta indica cu e argumentacion di Plasterk no ta inusual huridicamente. Fuera di esey PDR ta haya cu gobierno di Aruba ta gasta hopi tempo den muestra riba con e KB a wordo introduci en bes di enfoca riba e idea su tras, pues e señal cu Hulanda kier a duna dunando e KB.

Proximo reunion di Consejo di Minister di reino ta 14 di november. Segun fuenteenan, tin expectativa cu lo bay tuma un decision pa loke ta situacion na Aruba. □